

bracteasque *C. lividæ* simillima, sed culmo pedali, spicisque distantibus diversa.

3:tio *sparsiflora*, spicis remotis, exserte pedunculatis, sparsifloris; capsulis oblongis (haud inflatis) viridibus; ore elongato, unilobo et bidentato; bracteæ longitudine pedunculorum, lanceolatae. Culmus inferne foliis duobus brevissimis, lanceolatis planiusculis, apice navicularibus cinctus. Folia radicalia planiuscula, seu marginibus complanatis et medio tantum canaliculata, flaccida, ad terram declinata. Hab. in ripis et pratis siccioribus totius Vestrobotniæ et Lapponiæ usque ad alpes altiores. *C. laxæ* valde affinis.

Carex cæspitosa, culmo subnudo (id est duobus tribusve foliolis brevissimis, alternis, culmi infimam partem vagina truncata amplectentibus), foliis duplo triplove longiore, spicis femineis binis, oblongis, numquam, quod sciam, androgynis; mascula unica; culmo foliisque radicalibus flaccidis. Hab. per universam Sveciam, in Lapponia rarius. Foliola culmi brevissima, bracteæ *auriculato- aristatæ*, spicam æquantes.

β . *polymorpha*, foliis longitudine culmi, vel interdum longioribus, raro brevioribus; bracteis foliaceis, spicis